



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 37. Concilii Exordium.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A. C. 431.
ne quæcunque alia quæstio proponatur, antequam ea, de qua nunc agitur, fuerit definita. Præcipimus quoque, ne in vestro Concilio, aut coram tribunali publico Civitatis Ephesinæ, qualiscunque actio Civilis, aut Criminalis contra quemcunque moveatur, sed hæc omnia ad urbem hanc Constantinopolitanam deferantur. Cæterum scitote, Magnificum Irenæum solius amicitia jure piissimum Nestorium fuisse comitatum, nec in quæstionibus Concilii, aut Gloriosissimi Candidiani mandatis ullam partem habere.

22. Jun.

Audita hujus Epistolæ lectione, Episcopis in proposito persistentibus, necdum Candidianus acquievit, & tandem rogavit, ut saltem per dies quatuor rem differrent; cum sæpius instaret, & obtineret nihil, sperni se ratus, superante iracundia discessit, & illico Protestationem scripsit contra omnia, quæ essent facturi; eam Ephesi eadem die, decimo Kalendas Julii, in publicum edidit, unumque exemplum ad Imperatorem submitit.

§. XXXVII.

Concilii Exordium.

Epist. Cyr.
p. 574.
Cum Candidianus recessisset, eadem die Episcopi Concilium exorsi sunt, secundum Ægyptios 28. Pauni, secundum Romanos decimo Kalendas Julii, post decimum tertium Theodosii, & tertium

tium Valentiniani Consulatum, id est, Sæculum V.
 Die Lunæ, 22da Junii, anno 431. in Ec- A. C. 431.
 clesia ad S. Mariam dicta. Liber Evan- Cyrrill. apol.
 gelii super Throno medio in Cathedra ad Theod. p.
 Episcopi positus erat, qui Jesu Christi 10. 14. D. tom.
 præsentiam indicaret. Utrunque Epis- 3. Conc.
 copi sedebant. In prima Sessione Epis-
 copi centum, & quinquaginta octo nu-
 merabantur, quibus etiam Bessula, Dia-
 conus Carthaginensis, totius Africae Le-
 gatus, aderat. Primus erat S. Cyrillus,
 quod locum S. Cœlestini Papæ teneret,
 sicut Acta loquuntur; (*) verum etiam
 ob Sedis suæ Dignitatem præesse potuis-
 set. (**) Secus eum sedebant Juvenalis tom. 3. p. 445.
 Jerosolymitanus, Memnon Ephesinus,
 Flavianus Philippensis, locum Rufi Thes-
 salonicensis, Macedoniae Metropolitæ,
 tenens. Deinde Theodotus Ancyranus,
 Firmus Cæsariensis in Cappadocia, Aca-
 cius Melitinensis in Armenia, Iconius
 Gortynensis ex Insula Creta, Perigenes
 Corynthius, omnes Metropolitæ, & cœ-

G 5 teri

(*) Hic rursus contra Protestantes notandum,
 S. Cyrillum nomine SS. Pontificis Cœlestini, non
 vero Christianorum Imperatorum Theodosii, &
 Valentiniani, Concilio totius orbis terrarum præ-
 fuisse.

(**) Hoc iterum displicet Anonymo I. Certe
 tamen potuisset, sed si nomine Sedis suæ egis-
 set, Concilium non fuisset œcumenicum.

Sæculum V. A. C. 431.
 teri, eo, quo dictum est, numero. Ple-
 rique ex Græcia, Asia minore, Palæstina,
 & Ægypto advenerant.

tom. 3. Conc. p. 452.
 Omnibus sedentibus, Petrus, Pres-
 byter Alexandrinus, & Notariorum Pri-
 micerius, dixit: *Cum Reverendissimus*
*Nestorius S. Ecclesiæ Constantinopoli-
 tanae Episcopus fuisset ordinatus, elapsis pau-
 cis diebus, quidam ipsius sermones allati,*
legentium mentes perturbarunt, atque
exinde magnus in Ecclesia tumultus ex-
ortus. Ubi piissimus Episcopus Alexan-
driae Cyrillus hoc comperit, scripsit ad
eum primam Epistolam, & alteram, con-
siliis, & admonitionibus plenam, quibus
rejectis contendere cepit. Præterea Cy-
villus, sciens, Nestorium Epistolas, &
Sermonum suorum collectionem, Romam
misisse, ipse quoque ad piissimum Episco-
pum Romanum, Cælestinum, Epistolam de-
dit, ferente Possidonio Diacono, cui man-
davit: Si compereris, Cælestinum Ser-
mones, & Epistolas Nestorii accepisse, red-
dito etiam meas, sin aliter, easdem ad me
referto. Cum Diaconus audivisset, Ser-
mones, & Epistolas Papæ fuisse traditas,
suas quoque, ut jussus erat, reddidit. San-
ctissimus Episcopus Romanus rescripsit,
quod oportebat, & quod absolutam Do-
ctrinae Definitionem continet. () Cum*
 igitur

(*) Ecce! ex Concilio Ephesino, *cujus sit*
 Doctrinam absolute definire.

igitur sanctum Concilium jussu Imperatoris hic congregatum sit, manifestare tenemur, nobis scripta, quæ ad hanc causam pertinent, in manibus esse, ut iisdem, sicut Pietati Vestræ visum fuerit, utamur. Juvenalis Episcopus Jerosolymitanus dixit: Legatur Piissimorum nostrorum Imperatorum Epistola, ad unumquemque Metropolitanarum directâ, atque omnibus Actis, quæ modo conscribenda, præfigatur! Hæc a Petro Presbytero exhibita fuit & recitata. Firmus Episcopus Cæsariensis dixit: Sanctissimus Memnon, Episcopus Epbefinus, testimonium reddat, quot dies, ex quo advenimus, præterierint; Memnon respondit: A termino, in Epistola Imperatoris præscripto, sedecim dies præterierunt. S. Cyrillus dixit: Sanctum Concilium magna patientia adventum sanctorum Episcoporum, qui absunt, expectavit; jam vero, cum aliqui Episcoporum ægrotent, aliqui fati functi sint, atque jam tempus urgeat, ut mandatis Imperatoris satisfaciamus, & totius Ecclesiæ Bono, fidei materiam tractemus, legantur scripta, quæ hanc materiam tangunt; idque eo magis, quod Magnificentissimus Candidianus, Domesticorum Comes, Concilio prælegi mandaverit alterum Imperatoris præceptum, ut ea, quæ fidei sunt, omni posita mora, examini subjiciantur, & definiantur.

§. XXXVIII.